



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno Christi 1276 Usque Ad Annum 1312

**Fleury, Claude**

**August. Vind. [u.a.], 1766**

**VD18 90118251**

§. 16. Fœdus cum Carolo Rege Siciliæ.

---

[urn:nbn:de:hbz:466:1-67012](https://nbn-resolving.org/urn:nbn:de:hbz:466:1-67012)

Sæcul. XIII.  
A.C. 1278.

*Malefp.*  
c. 204.

*Rayn. n. 57.*

ut Bononiam ipsi ac Æmiliam (Romanolam vocant) cederet, solverat religione voti terram petendi sacram, pœnaque, in quam is incurrerat, illi non faciens latis. Ita loquitur Ricordanus Malespinus Florentinus illius temporis scriptor. Ut autem Rex Rudolphus de Romanæ Ecclesiæ jure in Æmiliam, urbesque in quæstione positas penitus edoceretur, Papa ei misit exempla seu apographa jurium suorum, nempe donationis, quam Imperator Ludovicus Pius fecerat, & confirmationum, quas Otto I & S. Henricus dederant, postquam earum archetypa Fratri Conrado Rudolphi Procuratori monstraverat.

§. XVI.

*Fœdus cum Carolo Rege Siciliae.*

*Rayn. n. 64.*

n. 66.

Quod spectat ad Regem Siciliae Carolum, Papa Nicolaus Regem Rudolphum monuit, ut fœdus cum illo percuteret; ac hoc sine Fratrem Conradum Romæ retinuit, cui Religioso Rudolphus reapse 5 Sept. an. 1278 hanc pactionem ex Papæ arbitrio conficiendi potestatem plenam dedit, junxitque suum Archigrammateum Godefridum eadem facultate præditum. Inter alias condiciones postulatum est, ut Carolus Imperii Vicarius per Hetruriam esse desineret secundum

dum promissionem, quam Papa 24 Maji ab ipso exegisset, ob Siciliam clientis fidem & obsequium spondente. Poposcit etiam, ut Rex Carolus dignitatem Senatoris Romæ a Clemente IV sibi an. 1261 collatam deponeret. Id quod Malespignus Florentinus adscribit Papæ animo hunc in Principem minus æquo, quippe qui affinitatem ipsius recusasset. Papa enim Nicolaus, ut ille ait, Regem Carolum rogari curaverat, ut unam de neptibus suis uni nepotum Papæ in matrimonium traderet: Rex vero consentire noluerat, inquit: Etsi calceos gerat rubros, familia tamen ejus cum nostra jungi non meretur, ac ejus terræ non sunt hæreditariæ. Quam ob rem iratus Papa ei omnibus in rebus clam adversabatur. Sic ille historicus.

Sæcul. XIII.  
A. C. 1278.

n. 69.

Sup. l. 85.  
c. 15.

c. 204.

Eodem tempore, nempe 17 Julii Papa constitutionem edidit, in qua Constantini donationem pro fundamento summæ potestatis in urbem Romanam ponens asserit, temporalem hanc potestatem Papæ & Cardinalibus suggerere rationem spirituales suas functiones libere exercendi. Vehementer exaggerat mala novissimis temporibus per extraneorum regimen Romæ illata: præcipitque, ne cui Imperatori, Regi, Principi, aliive Domino titulis aut potentia insigni deinceps Romæ gubernatio Senatoris, Præfe-

Ragn. n. 47.  
c. Fundamenta 17. de elect. in 6.

Hist. Eccl. Tom. XXI.

C eti

Sæcul. XIII. cti, Patricii, vel alio quocunque nomine  
 A. C. 1278. deferatur; ac nequis hoc munus ultra  
 annum obeat.

## §. XVII.

*Ecclesia Anglica.*

Anglorum Rex Eduardus Papæ exponi curaverat suum propositum sacræ militiæ nomen dandi, & Palæstinæ suppetias eundi: ideoque secundum mentem Concilii Lugdunensis postulabat decimas: sed has anticipare cupiebat, nisi hoc iter faceret, restitutionem spondens. Papa de consilio Cardinalium ei sic respondit: Postquam solenni ritu crucem indueris, parati sumus tibi concedere decimas usque ad tempus generalis transitus fideliter custodiendas. At religio nos jubet invigilare his decimis bene adhibendis ita, ut reapse in emolumentum Palæstinæ cedant. Igitur non videmus, quomodo pecuniæ vixdum provenientis usum diu ante trajectum maris permittere possimus. Attamen, quando crucis militiam inieris, illis de pecuniis viginti quinque selibrarum millia tibi tradenda curabimus fidem danti, te ad primum sacræ sedis mandatum ea redditurum esse, si transmarinum iter non suscipias. Scribebat 1. Aug. an. 1278.

Cum